



Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.


We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact support@jstor.org.

A Second Letter of P. Pardies, written to the Publisher from Paris May 21. 1672. to Mr. Newtons Answer, made to his first Letter, printed in Numb. 84.

R Eddite mihi sunt tuæ literæ cum Observationibus Clarissimi atque Ingeniosissimi Newtoni, quibus ad meas difficultates respondit. Eas ego legi non sine maxima voluptate : Et primum, quod attinet ad ipsum Experimentum majoris Latitudinis colorum quàm exigeret vulgaris Theoria Refractionum ; fateor, me inæquales refractiones in oppositis Prismatis faciebus supposuisse, nec ulla tenus advertisse in literis relatis in Transactionibus, observatam fuisse à Newtono majorem illam latitudinem in eo casu in quo refractiones ponerentur reciproce æquales, eo modo quo hîc in istis observationibus dicitur. Sed nec ab eo tempore in iisdem Transactionibus videre licuit, cùm eas non potuerim recuperare. Cum igitur nunc videam, etiam in eo Casu observatam majorem illam Colorum latitudinem ; certe ex hoc capite nihil mihi ulterius restat difficultatis : Ex hoc, inquam, capite ; nam aliunde videtur posse reddi ratio illius Phenomeni absque ista varia Radiorum Refrangibilitate. Etenim in ea Hypothesi, quam fuisse explicat noster Grimaldus, in qua supponitur Lumen esse substantia quadam rapidissimè mota, posset fieri aliqua diffusio luminis post transitum foraminis & decussationem radiorum. Item in ea Hypothesi, qua lumen ponitur progredi per certas quasdam materie subtilis Undulationes, ut explicat subtilissimus Hookius, possunt explicari colores per certam quandam diffusionem atque expansionem Undulationum, qua fiat ad latera radiorum ultra foramen, ipso contagio ipsaque materie continuatione. Certe ego talem adhibeo hypothesin in Dissertatione de motu undulationis, qua est sexta pars meorum Mechanicorum ; ut ponam, colores istos apparentes fieri ex sola illa Communicatione motionis, qua ab Undulationibus directè procedentibus ad latera effundatur : Ut, si radii



intrantes per foramen a progrediantur versùs b, undulationes quidem directè terminari deberent (habendo rationem ad motum rectum & naturalem) ad lineam rectam a b ; nihilominus tamen, propter continuitatem materie, fit aliqua communicatio commotionis versùs latera c c, ubi tremula quadam & crispans succussio excitatur : Atque si in illa laterali crispatione consistere colores supponatur, existimo omnia phenomena colorum explicari posse, ut fufius in ea, quam dixi, Dissertatione expono. Quibus item positis apparet etiam, cur ultra quàm ferat radiorum ipsorum divariatio, expandi colorum latitudinem necesse sit. Verùm ista obiter hîc tantum adnotasse sufficiat.

Quod

Quod annotat, errorem, qui oriri posset in calculo, ex eo, quod dixeram, veluti foramine facto in posteriori facie prismatis; errorem, inquam, illum non posse inducere sensibilem varietatem: id optimè annotatum est; neque ego existimavi, inde multum augeri colorum latitudinem, sed tantummodo accuratam calculi rationem indicare volui: Quapropter etiam & ego in praxi negligendam hanc cautionem censeo.

Circa Experimentum crucis, nequaquam dubito, quo minus in suo experimento talem situm adhibuerit, in quo æqualis inclinatio fuerit Radiorum incidentium; quandoquidem id ita à se præstitum expressè affirmat. Verùm id non ego peteram conijcere ex iis quæ in Transactionibus legeram; ubi ponuntur duo exigua & maximè distantia foramina, & unum Prisma prope primum foramen quod est in fenestra; per quod Prisma radij colorati erumpentes incidunt in alterum distans foramen. Addebatur autem, quòd ad hoc ut omnes illi radii successivè inciderent in secundum illud foramen, convertebatur primum Prisma supra axem: Atqui hoc modo necesse est mutari inclinationem radiorum qui incidunt in secundum foramen: atque indicavi ego in literis, quòd perinde se se res haberet, sive manente primo Prismate immobili, secundum foramen attolleretur aut deprimeretur, ut posset successivè radios omnes depictæ imaginis Solaris excipere; sive manente isto secundo foramine immobili, primum prisma converteretur, ut ita eadem imago situm mutaret, atque in foramen impingere secundum omnes successivè partes posset. Sed alias sine dubio adhibuit cautiones solertissimus Newtonus.

Quæ circa Colores objeceram, optimè soluta existimo. Quod autem Theoriam istam, appellarim Hypothesin, id certè, ego nullo adhibito consilio feci; atque nomen usurpavi quod primum occurrit: quapropter velim ut ne per contemptum adhibitam vocem ejusmodi existimet. Praclara sanè inventa semper ego magni feci, Clarissimum verò Newtonum imprimis suspicio ac veneror.